



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 29. redovnoj sjednici održanoj 14. jula 2022. godine, usvaja

**ZAKON
O IZMJENAMA I DOPUNAMA
ZAKONA O IGRAMA NA SREĆU
BRČKO DISTRIKTA BOSNE I HERCEGOVINE**

Član 1

U Zakonu o igrama na sreću Brčko distrikta Bosne i Hercegovine (Službeni glasnik Brčko distrikta Bosne i Hercegovine, broj 6/22, u daljnjem tekstu: Zakon) u članu 5 stavu 1 tački 1) iza riječi: „samoposlužnog terminala“ dodaju se riječi: „za igre na sreću (u daljnjem tekstu: samoposlužni terminal)“.

U stavu 2 riječi: „su samoposlužni terminali za klađenje koji mogu biti postavljeni“ zamjenjuju se riječima: “je samoposlužni terminal koji može biti postavljen“.

Član 2

U članovima 6, 50, 56 i 112, riječi: „samoposlužni terminal za klađenje“ u različitim padežima zamjenjuju se riječima: „samoposlužni terminal“ u odgovarajućim padežima.

Član 3

U članu 9, članu 23, članu 38 stavovima 2, 3, 4 i 5, članu 55 stavovima 2, 3, 4 i 5, članu 68 stavovima 2, 3, 4 i 5, i članu 88 stavovima 2, 3, 4 i 5, riječi: „činidbena garancija banke“ u različitim padežima, zamjenjuju se riječima: „bankarska garancija“ u odgovarajućim padežima.

Član 4

U članu 11 stavu 3 riječi: “kraći od 15 dana niti“ se brišu.

Član 5

Iza člana 13 dodaje se novi član 13a koji glasi:

„Član 13a
(Tehničke karakteristike sistema)

- (1) Informacioni sistem Porezne uprave i centralni računarski sistem priređivača moraju biti povezani.
- (2) Tehničke karakteristike, uslovi, način i postupak povezivanja informacionog sistema Porezne uprave s centralnim računarskim sistemom priređivača uređuje se pravilnikom koji donosi direktor Direkcije, uz prethodnu saglasnost Vlade.“

Član 6

U članu 14 stavu 2 iza riječi: „obavlja“ dodaje se riječ: „ovlaštena“.

Stav 3 mijenja se i glasi:

„(3) Laboratorija iz stava 2 ovog člana obavlja certificiranje uređaja i opreme na osnovu ovlaštenja koje rješenjem donosi direktor Direkcije.“

Iza stava 3 dodaje se novi stav 4 koji glasi:

„(4) Ovlaštenje iz stava 3 ovog člana donosi se na period trajanja od pet godina.“

Dosadašnji stav 4 postaje stav 5.

Član 7

U članu 15 riječ: „odobrenje“ u različitim padežima, zamjenjuje se riječju „ovlaštenje“ u odgovarajućim padežima.

U stav 2 riječi: „Porezna uprava“ zamjenjuju se riječima: „direktor Direkcije“.

U stavu 3 riječ: „dvije“ zamjenjuje se riječju: „pet“.

Iza stava 11 dodaje se novi stav 12 koji glasi:

„(12) Pravno lice iz stava 1 ovog člana dužno je posjedovati bankarsku garancija na iznos od 100.000,00 KM za kvalitetno obavljanje posla.“

Dosadašnji stav 12 postaje stav 13.

Član 8

Naziv i sadržaj člana 16 mijenja se i glasi:

„Član 16

(Oduzimanje ovlaštenja za certificiranje i obavljanje tehničkog pregleda) Laboratoriji iz člana 14 Zakona, i pravnom licu iz člana 15 Zakona, direktor Direkcije oduzima ovlaštenje ako:

- a) je ovlaštenje dobijeno na osnovu neistinitih podataka,
- b) je na bilo koji način ovlaštenje zloupotrijebljeno,
- c) se utvrdi da je prestao jedan od uslova na osnovu kojih je ovlaštenje dobijeno.“

Član 9

U članu 18 stavu 3 riječi: „trajanja od pet godina“ zamjenjuju se riječima: „od 60 dana.“

Član 10

U članu 21 stavu 2 tački d) riječi: „činidbenu garanciju banke“ zamjenjuju se riječima: „bankarsku garanciju“.

U stavu 2 tačka j) mijenja se i glasi:

„j) posjeduje certifikat o usklađenosti uređaja i opreme za priređivanje igara na sreću,“.

Član 11

U članu 29 stavu 2 tačke f) i g) se brišu.

Dosadašnja tačka h) postaje tačka f).

Član 12

U članovima 37, 54 i 67 riječi: „koji ne može biti manji“ zamjenjuju se riječima: „u vrijednosti koja ne može biti manja“.

Član 13

U članu 38 stavovima 1 i 6, članu 55 stavovima 1 i 6, članu 68 stavovima 1 i 6 i članu 88 stavovima 1 i 6 riječ: „činidbenu“ se briše.

Član 14

U članu 40 stavu 2 riječi: „iznosi 200.000,00 KM“ zamjenjuju se riječima: „iznosi 250.000,00 KM“.

Član 15

U članu 44 stavu 5 riječi: „iz stava 5“ zamjenjuju se riječima: „iz stava 4“.

Stav 6 mijenja se i glasi:

„(6) Za priređivanje igara u kasinu priređivač je dužan imati Centralni računarski sistem za nadzor sa umrežavanjem svih stolova za igre i svih automata, čime se omogućava kontrola podataka za sve stolove i automata za posljednjih pet godina.“

Iza stava 6 dodaje se novi stav 7 koji glasi:

„(7) Priređivač je dužan omogućiti povezivanje centralnog računarskog sistema iz stava 6 ovog člana s informacionim sistemom Porezne uprave.“

Dosadašnji stavovi 7, 8 i 9 postaju stavovi 8, 9 i 10.

Član 16

U nazivu člana 45 riječi: „i registraciju“, se brišu.

Iza stava 3 dodaje se novi stav 4 koji glasi:

„(4) Izgled naljepnice uređuje se Pravilnikom iz člana 13 Zakona.“

Član 17

U članu 59 tački a) riječi: „putem terminala“ se brišu.

U tački b) riječi: „samoposlužnih terminala za klađenje“ zamjenjuju se riječima: „samoposlužnog terminala“.

Član 18

Naziv člana 60 mijenja se i glasi:

„(Samoposlužni terminal)“.

Stav 1 mijenja se i glasi:

„(1) Samoposlužni terminal predstavlja poseban način priređivanja igre na sreću u prostoru kladionice, benzinske pumpe i ugostiteljskom objektu u kojem se poslužuju samo pića i napici.“

U stavu 2 tačka f) mijenja se i glasi:

„f) posjeduje certifikat za samoposlužni terminal,“.

U stavovima 2, 3, 4, 5, 6, 7, 8 i 9 riječi: „samoposlužni terminal za klađenje“ u različitim padežima zamjenjuje se riječima: „samoposlužni terminal“ u odgovarajućim padežima.

Član 19

U nazivu člana 61 riječi: „u kladionici“ se brišu.

U stavu 1 tačka e) mijenja se i glasi:

„e) adresi kladionice, benzinske pumpe odnosno ugostiteljskog objekta u kojem se poslužuju samo pića i napici gdje je samoposlužni terminal postavljen.“

Iza stava 3 dodaje se novi stav 4 koji glasi:

„(4) Izgled naljepnice uređuje se Pravilnikom iz člana 13 Zakona.“

Član 20

U članu 62 stavu 2 iza riječi: „Terminal u kladionici mora biti povezan“ zamjenjuju se riječima: „Samoposlužni terminal i uplatno odnosno isplatno mjesto u kladionici moraju biti povezani“.

U stavu 8 na kraju teksta, iza riječi: „podataka“ dodaju se zarez i riječi: „,za posljednjih pet godina“.

U stavu 10 riječi: „samoposlužnog terminala za klađenje“ zamjenjuju se riječima: „samoposlužnog terminala“.

Član 21

U članu 64 iza stava 5 dodaje se novi stav 6 koji glasi:

„(6) Klađenje se može priređivati u automat-klubu pod uslovom da je priređivač dužan postupiti u skladu s članovima 51, 52, 53, 54, 55, 56, 57, 58, 59, 61, 62 i 63 Zakona.“

Član 22

U članu 71 stav 5 se briše.

Dosadašnji stavovi 6, 7, 8, 9, 10, 11 i 12 postaju stavovi 5, 6, 7, 8, 9, 10 i 11.

Član 23

U članu 72 stav 2 mijenja se i glasi:

„(2) Plombiranje automata iz stava 1 ovog člana obavlja pravno lice iz člana 15 Zakona.“

Stavovi 3 i 4, se brišu.

Član 24

U članovima 73 i 81 iza stava 3 dodaje se novi stav 4 koji glasi:

„(4) Izgled naljepnice uređuje se Pravilnikom iz člana 13 Zakona.“

Član 25

U članu 75 iza stava 5 dodaje se novi stav 6 koji glasi:

„(6) Elektronske igre se mogu priređivati i na samoposlužnom terminalu iz člana 60 Zakona.“

Član 26

U članu 77 stavu 2 tačka f) mijenja se i glasi:

„f) je obavio certificiranje RNG opreme za priređivanje elektronskih igara,“.

Član 27

U članu 85 stavu 2 tačka g) mijenja se i glasi:

„g) posjeduje certifikat za priređivanje internet igara,“.

U stavu 2 tačka h) se briše.

Član 28

U članu 90 stavu 1 i članu 92 stavu 3 riječ: „Distrikta“ zamjenjuje se riječima: „Bosne i Hercegovine“.

Član 29

U članu 102 stavu 5 iza riječi: „isplatama“ dodaju se riječi: „za posljednjih pet godina“.

Član 30

U članu 106 stav 5 mijenja se i glasi:

“(5) Poslovnica entitetske lutrije uplaćuje porez na dobitak od lutrijskih igara prema mjestu prebivališta igrača koji je ostvario dobitak“.

Član 31

U članu 107 stav 1 mijenja se i glasi:

„(1) Porez na dobitak kod lutrijskih igara na sreću je proporcionalan i iznosi 10% (deset posto) od osnovice koju čini svaki pojedinačni dio dobitka koji prelazi iznos od 100,00 KM.

Iza stava 1 dodaje se novi stav 2 koji glasi:

(2) Porez na dobitak kod lutrijskih igara na sreću obračunava priređivač i odbija od svakog dobitka prije isplate ostatka dobitka igraču.

Dosadašnji stav 2 postaje stav 3.

Član 32

Član 108 mijenja se i glasi:

„Član 108

(Evidentiranje i plaćanje poreza)

(1) Priređivač igara u kasinu dužan je porez na dobitak evidentirati u svojim poslovnim knjigama i prijaviti Poreznoj upravi najkasnije do desetog u tekućem mjesecu za prethodni mjesec.

(2) Priređivač igara u kasinu porez na dobitak plaća do desetog u tekućem mjesecu za prethodni mjesec na Jedinstveni račun Trezora Distrikta.

(3) Poslovnica entitetske lutrije, za dobitak koji prelazi iznos od 100,00 KM, dužna je evidentirati porez u svojim poslovnim knjigama.

(4) Poslovnica entitetske lutrije porez iz stava 3 ovog člana prijavljuje Poreznoj upravi najkasnije do desetog u tekućem mjesecu za prethodni mjesec.

(5) Porez na dobitak iz stava 1 i stava 4 ovog člana prijavljuje se na obrascu, koji se uređuje Pravilnikom iz člana 13 Zakona.“

Član 33

U članu 111 stavu 1 tački b) riječi: “za klađenje“ se brišu.

U stavu 1 tački nn) riječi: “Porezne uprave“ se brišu.

Član 34

Iza člana 111 dodaje se novi član 111a koji glasi:

„Član 111a

(Novčana kazna za neplaćanje mjesečne naknade)

Ako priređivač ne uplati mjesečnu naknadu u roku iz člana 114a stava 2 ovog zakona, kaznit će se za prekršaj novčanom kaznom u iznosu od 5.000, 00 KM do 30.000,00 KM.“

Član 35

U članu 112 stavu 4 tačka a) mijenja se i glasi:

„a) se utvrdi da ne posjeduje certifikat za priređivanje internet igara (član 85 stav 2 tačka g) Zakona),“.

Član 36

U članu 114 iza stava 4 dodaju se novi stavovi 5, 6, 7 i 8 koji glase:

„(5) Priređivač igara na sreću dužan je pribaviti certifikat o usklađenosti od ovlaštene laboratorije iz člana 14 Zakona i potvrdu o obavljenom tehničkom pregledu od pravnog lica iz člana 15 Zakona u roku

od šest mjeseci od dana sticanja uslova za obavljanje certificiranja odnosno tehničkog pregleda uređaja i opreme.

(6) Izuzetno, priređivač igara na sreću koji ima izdat certifikat od ovlaštene laboratorije koji se primjenjuje u Bosni i Hercegovini, takav certifikat se priznaje do isteka trajanja odobrenja ili produženja odobrenja za priređivanje igara na sreću, odnosno do sticanja uslova za obavljanje certificiranja uređaja i opreme iz stava 5 ovog člana.

(7) Priređivač iz stava 6 ovog člana, dužan je pribaviti potvrdu o obavljenom tehničkom pregledu od pravnog lica iz člana 15 Zakona, u roku od šest mjeseci od dana sticanja uslova za obavljanje tehničkog pregleda uređaja i opreme.

(8) Uplaćenu naknadu za dobijanje odobrenja odnosno produženje odobrenja za priređivanje igara na sreću iz članova 40, 41, 56, 69 i 100 Zakona, Porezna uprava neće vratiti ako uređaj i oprema za priređivanje igara na sreću ne ispune uslove za dobijanje certifikata o usklađenosti odnosno potvrdu o obavljenom tehničkom pregledu uređaja i opreme.“

Član 37

Iza člana 114 dodaju se novi članovi 114a i 114b koji glase:

„Član 114a

(Plaćanje naknade do uspostave informacionog sistema)

(1) Do uspostave informacionog sistema Porezne uprave, a najduže na period do dvije godine od dana stupanja na snagu ovog zakona, priređivač plaća naknadu u sljedećim mjesečnim iznosima:

- a) za igre na sreću u kasinu plaća se naknada u iznosu od 5.000,00 KM za svaki kasino,
- b) za igre na sreću klađenja plaća se naknada u iznosu od 400,00 KM za svaku kladionicu,
- c) za igre na sreću na samoposlužnom terminalu plaća se naknada u iznosu od 200,00 KM po svakom samoposlužnom terminalu,
- d) za igre na sreću na automatu plaća se naknada u iznosu od 100,00 KM za svaki automat,
- e) za igre na sreću na terminalu za elektronske igre plaća se naknada u iznosu od 100,00 KM po svakom terminalu za elektronske igre,
- f) za igre na sreću putem interneta plaća se naknada u iznosu od 1.500,00 KM za svako sjedište priređivača.

(2) Mjesečna naknada iz stava 1 ovog člana plaća se do desetog u tekućem mjesecu za prethodni mjesec.

Član 114b

(Postupci koji nisu pravosnažno okončani)

(1) Svi slučajevi, odnosno postupci koji do dana stupanja na snagu ovog zakona nisu pravosnažno okončani završit će se po odredbama ovog zakona.

(2) Odredbe članova 30, 31 i 32 ovog zakona primjenjuju se od 1. 7. 2022. godine.“

Član 38

Iza člana 116 dodaje se novi članovi 116a i 116b koji glase:

„Član 116a

(Rok za donošenje podzakonskog akta)

Direktor Direkcije dužan je do uspostave informacionog sistema Porezne uprave, a najduže u roku od dvije godine od dana stupanja na snagu ovog zakona, donijeti Pravilnik iz člana 5 ovog zakona.

Član 116b

(Ograničavajuće odredbe u odnosu na vrijeme primjene propisa)

Odlaze se primjena člana 42, člana 43, člana 44 stava 7, člana 58, člana 62 stava 6, člana 70, člana 71 stava 5, člana 80 stava 4, člana 82, člana 89, člana 90 stava 6 i člana 111 stava 1 tački n), o), dd), ll), uu) i aaa) Zakona, do uspostave informacionog sistema Porezne uprave, a najduže na period do dvije godine od dana stupanja na snagu ovog zakona.“

Član 39

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-3312/22

Brčko, 14. jula 2022. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić